

己未詞科錄

己未詞科錄卷四

通議大夫廣東提刑按察使司按察使無錫秦瀛輯

傳畧

三特授內閣中書七人

邱鍾仁字近夫江南崑山人諸生幼育於朱旣長復姓
著有春秋遵經集說十六卷

鍾仁字近夫崑山人康熙戊午應博學鴻詞老不與
試

特賜中書舍人其凡例稱是編本述孟子朱子說經
之義故冠二子之說於簡端節錄四庫書目遵經集說提要

邱近夫人品甚高但微有曲徇人情處錢爾載語余

如此節錄陸先生
年譜輯略

王方穀字金粟直隸新城人歲貢生

申維翰字周伯江南江都人廩監生

王嗣槐字仲昭浙江仁和人諸生著有太極圖說論桂
山堂偶存嘯石齋詞

嗣槐字仲昭錢塘人康熙己未薦舉博學鴻詞老不
與試授內閣中書舍人以歸其書論聖人言易有太
極未嘗言無不應於太極之上復加無極二字疑此
圖授自陳搏非周濂溪作朱陸互相辨析朱子不得
已止作無形有理以解之而無極二字總流入二氏

之說又謂其言天道則曰動而生陽靜而生陰乃老
氏道生天地之說言人道則曰聖人定之以仁義中
正而主靜主靜二字尤爲老氏根本所在又謂其原
始反終故知生死二語乃老氏言道之根原而不死
無生之樞紐逐條辨駁各爲一篇亦力申陸九淵之

說者也

四庫書目太極
圖說論提要

王仲昭性簡脫與俗忤年過壯盛鬱抑不得行其志
日偕友人散髮袒裸浮拍糟邱意極興酣嘻笑怒罵
不復知人間事

今世
說

仲昭慷慨善談論於書無所不窺文詞瑰麗尤工爲

賦已未

召試

特授內閣中書

同上

賈崧按仲昭與同里吳農祥吳任臣海鹽徐林鴻
蕭山毛奇齡宜興陳維崧爲益都馮文毅延至邸
第稱佳山堂六子

鄧漢儀字孝威號鉢叟江南泰州人布衣著有過嶺集
詩觀初二三集別集簫樓集

康熙已未

召試博學鴻詞以年老授中書舍人是編皆選輯

國初諸人之作別集則閨閣詩也

節錄四庫書目詩觀提要

鄧漢儀淹洽通敏貫穿經史百家之言尤工詩學爲騷雅領袖太倉吳梅村合肥龔芝麓皆與爲倡和嘗品次近代名人之詩爲詩觀別裁僞體力追雅音海

內言詩之家咸宗之

揚州府志

鄧孝威坐文選樓選詩觀四方郵筒日至而香奩彤管亦附以來乃採爲簫樓集

節錄尤侗西堂雜俎

孝威與

國初諸前哲遊洽聞廣見所選詩觀共四集雖未脫酬應然亦足備後人採擇嘗度大庾嶺有句云人馬

盤空細煙嵐返照濃新城王公賞之

國朝詩別裁集注

瀛按先生嘗采先宮諭詩入詩觀先宮諭從軍荆襄有和先生贈詩五首見然竹集末章云投我詩盈軸清思迥絕倫艱難念朋友落莫向時人林屋無歸業雷塘空要津尚存湖海氣獨立出風塵

王昊字維夏號碩園江南太倉人前明諸生著有碩園詩彙

維夏善詩歌古文詞樂府吳梅村歎其才爲天下無雙孫介夫遇維夏於邗關執手道故王因善飲與人酒舍洗醖而酌浮滿數十盡初座客闕甚聞兩人聲

奪耳皆瞪眸迎視氣爲不吐

今世說

碩園爲鳳洲司寇之後生有異稟詩古文並如宿習
婁東十子中尤錚錚有聲嘗論歷科應舉之文學者

咸奉爲準的

李遇孫鶴徵錄續補

顧均按碩園少與兄曜齊名人稱婁東二王應

召至京王葉文敏寓力疾入試報罷

詔授中書回籍已先數日卒矣

孫枝蔚字豹人號漑堂陝西三原人著有漑堂前集九
卷續集六卷詩餘二卷

康熙己未舉博學鴻詞以老病不能入試授中書舍

人罷歸枝蔚於甲中闖賊亂時曾結里中少年殺賊
失足墮土坎中幸不死後至廣陵學賈三置千金既
而僦居董相祠扃戶讀書刻意爲歌詩此集題曰漑
堂卽所僦居處也前集十卷各以體分續集六卷則
起康熙丙午止戊午後集六卷起己未還山以後迄
丙寅皆編年爲次詩餘則以小令中調爲一卷長調
爲一卷枝蔚在當時名甚重然詩本秦聲多激壯之
詞大抵如昔人評蘇軾詞如銅將軍鐵綽板唱大江
東去也

節錄四庫書目
漑堂集提要

孫枝蔚少爲諸生遭流寇與其鄉少年奮戈逐賊落

深慙得不死乃走江都從賈人遊累至千金散之既

而閉戶讀書肆力詩古文名滿海內

揚州府志

三原孫枝蔚老詩人也以年授官放還山初得正字賦詩云一官如籠鶴萬里本浮鷗獻賦曾非晏童年況異劉山人今上路小婦免登樓臨水看蝌蚪惟添

錯字愁

池北偶談

豹人身長八尺聲如洪鐘龐眉廣顙以詩文名天下應

召入都初以老病辭不許既將還籍復有年老授銜之

命吏部集驗於庭孫獨臥不往旋受敦促乃徐入遂
巡主爵者望見其鬚眉皆白引之使前曰君老矣孫
直對曰未也我年四十時卽若此且我前以老求免
試公必以爲壯今我不欲以老得官公又以爲老何
也衆皆目笑其愚孫固自若

今世說

漑堂詩詞氣近麤然自有真意稱其人品之高近有
秦人胸無典籍好爲大言至云作詩先洗去李杜俗
調庸妄至此而人羣然信之云遠勝豹人不可能也

錄漑堂詩附記於此

國朝詩別裁集注

豹人籍本秦川遭世亂毀於賊流寓邗水遂卜居焉

家無負郭田環堵蕭然左對孺人右抱稚子長年促
刺乞食於江湖閒入幕府爲諸侯老賓客晚播遷在
外不克遂其鄉關之思則築室數楹顏曰漑堂烹魚
釜鶩隱然寓西歸之意其懷抱從可知矣

節錄詩
鈔小傳

傅畧

三之二
不到

應徵赴部臨試告病
特授內閣中書二人

傅山字青主一字公之它山西太原人布衣著有松莊
集

太原傅山母夢老比丘而生生生復不啼一瞽僧至門
云旣來何必不啼乃啼六歲食黃精不樂穀食強之
乃復食讀十三經諸子史如宿通者崇禎中袁臨侯

繼咸督學山西爲巡按御史張孫振誣劾被逮山橐
餽左右伏闕上書白其寃馬君常世奇作義士傳比
之裴瑜魏劭亂後夢天帝賜以黃冠衲衣遂爲道士
裝醫術入神有司以醫見則見不然不見也康熙己
未徵聘至京師以老病辭與范陽杜越君異俱授中
書舍人歸山工分隸及金石篆刻畫入逸品子眉字
壽髦亦工畫作古賦數十篇常粥藥四方兒子共輓
一車暮抵逆旅輒篝燈課讀經史騷選諸書詰旦成
誦乃行否卽子杖則其父子皆奇士也

池北
偶談

先生初字青竹改青主改署公之它亦曰石老人又

字嗇廬少長晉中得其山川雄深之氣思以濟世自
見甲申以連染遭刑戮抗詞不屈絕粒九日幾死門
人有以奇計救之者得免天下大定始以黃冠自放
戊午給事中李宗孔劉沛先以先生薦時年已七十
有四以病固辭不獲有司令役夫舁其牀以行將至
京以死拒不入城蔚州魏公乃以老病上聞

詔免試特授中書以寵之益都馮公彊之至午門謝

次日遽歸

節錄全祖望鮐
鱗亭集事略

青主以康熙己未徵聘至京以老病辭授中書舍人
歸工詩文善畫山水皴擦不多邱壑磊砢以骨勝墨

竹亦有氣

節錄張庚畫徵錄

瀛按顧亭林先生答鈍翁書云蕭然物外自得天機吾不如傅青主又潘稼堂序松莊雅集詩曰雙塔巍然捎雲礙日見三四十里外浮浮若旌幢焉其下爲松莊傅隱君青主所居也太守延津計百周君歲之初吉率子若聳屏騶從挈壺觴躬造於廬讀此可以想見隱君風致

杜越字君異號紫峰直隸容城人明諸生著有紫峰集十四卷

杜越容城人前明諸生康熙己未薦舉博學鴻詞以

老疾未及赴試而罷是集乃其門人楊湛等所編凡詩四卷詩餘附焉雜文共十卷越受業於定興鹿善繼平生惟以砥礪行誼講明道學爲事故鄉里推爲耆宿而文章則非所長湛等所編旣多錄應酬代筆之作又不甚諳體例其雜錄中有龍王廟募緣一篇乃七言古詩而編於文中其所作祠聯壁聯書齋聯一一備載尤爲冗雜玉山雅集載聯頌別自有義非此之謂也

節錄四庫書目
紫峰集提要

君異先生鹿忠節高弟家貧教授生徒以給饘粥麤糲衣褐苟完而已卽束修亦不受孺人與同志紡織

佐之與人處油然和易終身無疾言怒色而剛介絕俗有壁立萬仞之概居新安新安人化之風俗一變年八十餘飲啖不衰縣人高尚書問以養生之術曰無之但平生未嘗嗔怒或以此得老壽耳

居易錄

紫峰集趙司馬玉峰國麟爲刊行趙云至聖言過勿憚改若先生則無過可改楊敬庵爾淑云先生年八十五未嘗一日不樂予謂邵子居洛四十載安貧樂道生平未嘗攢眉先生殆庶幾矣

同上

傳畧

三之三 丁憂未與試者十四人

曹溶字潔躬號秋嶽一號倦圃浙江秀水人居邑之金

陀坊晚號金陀老人又號鋤菜翁前明崇禎丁丑進士
官監察御史八

國朝官至戶部侍郎出爲廣東布政使左遷山西陽和
道裁缺補用保舉簽發四川軍前著有崇禎五十宰相
傳一卷明漕運志一卷金石表一卷倦圃詩植記三卷
劉豫事蹟一卷粵遊草一卷學海類編續獻徵錄六十
卷靜惕堂詩集四十四卷

溶記誦淹博詩文亦富然其集初無定本篇帙多寡
不一有作三十卷者有作正集八卷續集三卷者皆
不知何人所編此本爲雍正乙巳刊行凡古今體詩

幾四千首乃其外孫朱丕斲所哀輯溶生平吟咏蓋

具在於是矣

節錄四庫書目靜
惕堂詩集提要

曹溶字潔躬號秋嶽秀水人崇禎丁丑進士官御史
國朝順治間歷副都御史戶部侍郎出爲廣東布政
使左遷山西陽和道裁缺歸里卒年八十三溶肆力
於文章尤工尺牘長箋小幅人其賞之晚築室范蠡
湖名曰倦圃多藏書勤於誦覽輯續獻徵錄六十卷
崇禎五十輔臣傳五卷外有靜惕堂詩文集三十卷

浙江
通志

曹侍郎秋嶽好收宋元人文集嘗見其靜惕堂書目

所載宋自柳開以下凡一百八十家元自耶律楚材

以下凡一百十有五家可謂富矣

池北偶談

聖主當陽張八紘以羅才俊先生以先朝遺逸亦思
跼伏草茅終槁項黃馘以死徒以推轂者衆敦逼出
山不獲遂其初志旣歟歷中外游陞至少司農中閒
升沉淹速不常厥居亦時而爲嶺海關塞之行迨康
熙戊午己未閒

天子思得閎博之士備

顧問大臣有舉先生名應

詔者先生已歸隱林泉仰屋著書三徵不起矣少日

卽以詩名年事漸增風格日進體氣自然意匠深穩
李天生稱其五古如羚羊罌角無迹可尋而渾金璞

玉中奕奕自露神采

節錄詩鈔小傳

汪懋麟字季角號蛟門江南江都人康熙丁未進士授
秘書院中書舍人官至刑部主事著有百尺梧桐閣集
二十六卷錦瑟閣集若干卷

懋麟詩法傳自王士禎而才氣縱橫視士禎又爲別

格

節錄四庫書目百尺梧桐閣集提要

汪懋麟康熙丁未進士授秘書院中書舍人楚人朱
方旦以邪說傾動公卿懋麟獨著辨道論力詆其妄

與修明史遷刑部主事罷歸杜門注經史所著有百尺梧桐閣集兄耀麟字叔定亦以詩文名有抱耒堂

集

江南通志

汪君懋麟字季角後更號蛟門故蛟門之名獨著康熙二年舉鄉試又四年成進士以主事入史館充纂修官尋補刑部仍直史館君才通敏不敢託史事自佚城南武某以一車一馬販米於南花園宿董之貴家董利其貲殺之夜以車載尸鞭馬曳之他去武父得尸於道得車馬於劉氏之門訟之官謂劉殺其子君曰殺人而置其車馬於門非理也乃微行南城外

縱其馬馬至之貴門輒跳躍悲鳴衝戶以入君卽令收之訖得實寘之貴於法劉得釋都人爲作馬訟圖

賦詩張之

節錄漁洋文畧

君詩才票姚跌宕其師法在退之子瞻兩家而時出新意稱詩輦下與田綸霞宋牧仲曹頌嘉丁澹汝王幼華顏修來曹升六謝千仞葉井叔相倡和號十子歸田後鍵戶謝賓客晝治經夜讀史日有程課銳意著述成一家之言旣得疾彌留令洗硯磨墨嗅之復令烹佳茗以進自謂香沁心骨口占二絕大笑呼奇

絕而逝

節錄尾文

汪懋麟字季角江南江都人丁未進士官中書舍人
事親孝事兄恭擇人而友之敬而能和其立心澹蕩
而高明

今世說

較門自成童時已篤志經史既釋褐推擇內閣中書
年少職閑乃益肆力於詩古文詞峭刻豪宕一掃公
家言歲戊午膺博學鴻詞舉以未終制力辭久之再
論薦乃以刑部主事充纂修官討論嚴密所撰著竄
多吏才尤明敏發姦摘伏一時驚以爲神一日

禁中出官箋百番

命羣僚書擇其尤者二十四幅供

御屏用蛟門與焉衆謂旦晚當召見且改官無何竟

坐罷歸二三年遽以疾卒

節錄詩
鈔小傳

黃虞稷字俞邵號楮園福建晉江人諸生以薦入史館
特加七品服著有千頃堂書目三十二卷楮園集十卷

虞稷先世泉州人崇禎末流寓上元書首自題曰閩
人不忘本也所錄皆明一代之書經部分十一門既
以四書爲一類又以論語孟子各爲一類又以說大
學中庸者入於三禮類中蓋欲略存古例用意頗深
然明人所說大學中庸皆爲四書而解非爲禮記而
解卽論語孟子亦因四書而說非若古人之別爲一

經專門授受其分合殊爲不當樂經雖亡而不置此
門則律呂諸書無所附其刪除亦未允也史部分十
八門其簿錄一門用尤袤遂初堂書目之例以收錢
譜蟹錄之屬古來無類可歸者最爲允協至於典故
以外又立食貨刑政二門則贅設矣子部分十二門
其墨家名家法家縱橫家併爲一類總名雜家雖亦
簡括然名家墨家縱橫家傳述者稀遺編無幾併之
可也併法家刪之不太簡乎集部分八門其別集以
朝代科分爲先後無科分者則酌附於各朝之末視
唐宋二志之糅亂特爲清晰體例可云最善惟制舉

一門可以不立明以八比取土工是技者隸首不能窮其數卽一日之中伸紙擲管而作者不知其幾億萬篇其不久而化爲故紙敗燼者又不知其幾億萬篇其生其滅如煙雲之變現泡沫之聚散虞稷乃徒據所見而列之不亦慎耶每類之末各附以宋金元人之書旣不賅備又不及於五代以前其體例亦不可解然焦竑國史經籍志旣誕妄不足爲憑傅維麟明書經籍志尤侗明史藝文志橐尤冗雜無緒考明一代著作者終以是書爲可據所以

欽定明史藝文志頗採錄之略其舛駁而取其賅贍

可也

飾錄四庫書目千頃堂書目提要

金陵黃俞邵徐都憲元文疏薦以諸生

召入明史館食七品俸予時向之借書

池北偶談

王穀韋字鄂叔浙江會稽人明參政以寧孫康熙庚戌進士授內閣中書遷戶部主事歷轉員外郎刑部郎中出爲淮安府知府

王穀韋字鄂叔明福建參政以寧孫也康熙庚戌登進士以淮安知府致仕穀韋兄穀振兄子德祚遐祚先後俱成進士爲巨宗而穀韋居鄉有矩矱歲時一報謁長吏外片牘不至門所從老蒼頭數輩皆衣屨

傲敗飭子弟攻苦食淡毋預戶外事家法稱於越中
初授內閣中書遷戶部主事員外郎刑部郎中秩滿
乃守淮安在部時夏包子作亂伏誅

上諭諸脅從從寬而楚臬多擬重辟進穀韋悉改之
又擬諸戍囚妻女入旗下穀韋更爲僉至戍所湖廣
猺蠻土司稱近洞官山產臭泥可代煤請羣蠻開採
時黠胥入蠻賄爲轉啟甚力穀韋熟視之曰此硫黃
也硝黃內地禁物洞中所無蠻圖造火器欲取之山
中而難其名故和土詭爲之白於尚書不許尚書歎
其能後莅淮或以兩淮多隱匿涸田入告

上命熊冢宰賜履抵郡察之穀韋進曰淮屬涸田固
多然田坍而正額未除者纍纍是也願以涸田與坍
田並報冢宰是其言疏入果得邀

上恩蠲免四千餘頃而入稅者止三千餘淮民至今

德之

紹興府志

陳學夔字解庵福建侯官人康熙己酉舉人授山東寧
陽縣知縣遷兵部主事著有性理全註杜詩註解倦庵
錄榕城景物略

解庵當耿逆變作抗節匿桶園三年不受逆職尋丁
父艱廬墓少司寇任公克溥首薦應

詔薦牘有云昔長安賣賦洛陽之紙頓貴今全節罵
賊唯陽之舌猶存時服未闕郡縣逼迫匍匐赴京額
乞終喪得請歸後授寧陽令興利除弊撫臣錢公珏
疏薦遷兵部主事督理大通橋倉務又督廣東鈔關
清慎精明不渝素守以遷葬假歸居鄉七年足不入

城市

龔煒集
林筆談

戴王綸字經碧直隸滄州人戶部尚書明說子順治乙
未榜眼授編修歷官江西糧儲道參議

順治戊子科榜順天第四名張永祺壬辰榜眼及第
第五名戴王綸乙未榜眼及第第八名熊伯龍己丑

榜眼及第洵極一時之盛王綸弟王縉戊戌進士官

御史亦同時顯貴

池北偶談

林以畏字  浙江錢塘人布衣

陸隴其字稼書浙江平湖人康熙庚戌進士授江南嘉定縣知縣丁憂服闋補直隸靈壽縣知縣行取擢監察御史雍正二年從祀

孔子廟庭乾隆二年

贈內閣學士兼禮部侍郎謚清獻著有古文尚書考一卷讀禮志疑二卷四書講義困勉錄三十七卷松陽講義十二卷松陽鈔存二卷三魚堂四卷大全四十卷續

困勉錄六卷戰國策去毒二卷讀朱隨筆十卷禮經會
元注八卷靈壽縣志十六卷一隅集八卷三魚堂文集
十二卷外集六卷附錄一卷三魚堂隨筆四卷問學錄
若干卷

是編以三禮之書多由漢儒采輯而成其所載古今
典禮自明堂清廟吉凶軍兵以及名物器數之微互
相考校每多齟齬不合因取鄭孔諸家注疏折衷於
朱子之書務得其中竝旁及春秋律呂與夫天時人
事可與禮經相發明者悉爲采入其有疑而未決者
則仍闕之故曰讀禮志疑案禮經自經秦火雖多殘

闕不完而漢代諸儒去古未遠其所訓釋大抵有所根據不同於以意揣求宋儒義理雖精而博攷詳稽終不逮注疏家專門之學隴其覃思心性墨守程朱其造詣之醇誠近代儒林所罕見至於討論三禮究與古人之終身穿穴者有殊然孔疏篤信鄭注往往不免附會而陳澧集說尤爲舛陋隴其隨文糾正攷核折衷其用意實非俗儒所能及如論孔疏月令引太史職鄭注中數曰歲朔數曰年竝舉則分年歲單舉則可互稱又祥禫主鄭駁王廟制尊劉駁鄭於禮有擯詔樂有相步溫之至也之文謂溫直是蘊籍不

當如孔疏所云以物承藉於未卜禘不視學取孔疏不當禘祭之年亦待時祭之後駁集說不五年不視學之說謂司尊彘變朝踐爲朝獻變再獻爲饋獻爲省文互文之法皆自扞所見絕無門戶之私至於緇紃純三字謂純當作紃古人字亦誤用後來不可不慎不知古字多通原未可以近例相限又袁黃羣書備攷以賈公彥譌作賈遠人所共知何煩深辨而亦特立一條爲之駁正此蓋閱書時隨筆標記門弟子編次校刊乃誤人正文未加簡擇固不足爲隴其病

矣節錄四庫書目
讀禮志疑提要

是書因彥陵張氏講義原本刪剝精要益以明季諸家之說而參配以己意凡大學一卷中庸二卷論語二十卷孟子十四卷創始於順治戊戌草藁尚未全定而隴其歿後其族人公穆始爲繕寫編次其門人席永恂等爲之刊板其曰困勉錄者則隴其所自署也明自萬歷以後異學爭鳴攻集註者固人自爲說卽名爲闡發集註者亦多陽儒陰釋似是而非隴其篤信朱子所得於四書者尤深是編薈粹羣言一一別釋凡一切支離影響之談刊除略盡其羽翼朱子之功較胡炳文諸人有過焉無不及矣

節錄四庫書目四書講義

困勉錄
提要

隴其之學期於潛修自得不甚以爭辨爲事惟於姚江一派則異同如分白黑不冒假借一詞時黃宗羲之學盛於南孫奇逢之學盛於北李容之學盛於西隴其皆不以爲然故此編於學術醇疵再三致意其閒融貫舊說亦多深切著明剖析精密蓋朱子一生之精力盡於四書隴其一生之精力盡於章句集註故此編雖得諸簿書之餘而抒所心得以啟導後生剴切詳明有古循吏之遺意較聚生徒刻語錄以博講學之名者其識趣固殊焉

節錄四庫書目
松陽講義提要

是編乃其爲靈壽知縣時於簿書之暇取所輯問學錄日記二書摘其中切要之語錄爲一編以示學者靈壽古松陽地故以松陽鈔存爲名木七十八條儀封張伯行嘗爲刊板刪其與問學錄重複者僅存二十八條殊失隴其之意此本刊於乾隆辛未乃金山楊開基所重編分道體爲學處事教學辨學術觀聖賢六門仍以原第幾條注於本條之下以存其舊而別以己見附識於後前有開基序稱問學錄爲中年之書此本爲晚年之手定書極論伯行之刪本爲非又有隴其孫申憲跋亦謂伯行刻隴其遺書四種惟

讀禮志疑讀朱隨筆爲足本此書及問學錄均刪節

失真云

節錄四庫書目
松陽鈔存提要

是集爲其門人侯銓所編凡雜著四卷書一卷尺牘一卷序二卷記一卷墓表志銘壙記傳共一卷其外集六卷則裒其奏議條陳表策申請公移而終之以詩隴其行狀之類亦併附焉目錄之末有從子禮徵跋言隴其平生不屑爲詩古文詞尤以濫刻文集爲戒故易簣時篋中無遺橐至康熙辛巳禮徵乃旁搜廣輯彙成是集而屬銓分類編次蓋隴其歿後九年此集乃出也其文旣非隴其所手定則其中或有未

定之彙與夫偶然涉筆不欲自存者均未可知然隴其學問深醇操履醇正卽率爾操觚之作其不合於道者固已鮮矣惟是隴其一生非徒以講明心性爲一室之坐談其兩爲縣尹一爲諫官政績亦卓卓可紀蓋體用兼優之學而銓等乃以奏議公牘確然見諸行事者別爲外集夫詩歌非隴其所長列之外集可也至於聖賢之道本末同原心法治法理歸一貫周禮皆述職官尚書皆陳政事周公孔子初不以是爲纍迹卽黃榦編朱子詩文亦未嘗薄視論政之文揮而外之銓乃徒知以太極論冠篇欲使隴其接迹

周子而以其循績別爲外集尊空言而薄實政是豈
隳其之旨乎以此本久行於世故仍原刻錄之而附
糾其編次之陋如右

節錄四庫書目三
魚堂文集提要

本名日鈔皆平時劄記之文未分門目其甥金山陳
濟排次成編雖亦不立標題而推求其例則一卷至
四卷皆說五經五卷六卷皆說四書而附太極圖說
近思錄小學數條七卷八卷皆說諸儒得失九卷至
十二卷皆說子史而亦間論雜事昔朱子博極羣書
於古今之事一一窮究原委而別白其是非故凡所
攷論率有根據隳其傳朱子之學爲

國朝醇儒第一是書乃其緒餘而於名物訓詁典章
度數一一精核乃如此凡漢註唐疏爲講學諸家所
不道者亦皆研思探索多所取裁可知一代通儒其
持論具有本末必不空言誠敬屏棄詩書自謂得聖
賢之心法其於朱陸異同非不委曲詳明剖析疑似
而詞氣和平使人自領亦未嘗堅分壁壘以詬厲相
爭蓋諸儒所得者淺故爭其名而不足隴其所得者
深故務其實而有餘觀於是編可以見其造詣矣

錄

四庫書目三魚
堂贖言提要

陸隴其原名龍其一字稼書康熙庚戌進士授江南

嘉定令革除火耗立甘限法勸諭法上下便之民有
訴子不孝輒自責謂德薄不足化汝父子俱感泣有
兄弟因稱貸致訟各責之教以友恭富家欲重懲貧
民曉以富人愛體面貧人亦愛肌膚訟者感悟舊俗
盡化旋以盜案罹議百姓攀號環泣總憲魏象樞并
疏論薦復職薦博學鴻詞丁父憂歸補直隸靈壽令
邑最小解石灰運車獨多力爭得減條陳大事皆籌
畫至當若墾荒審丁務紓民力發帑賑濟村落咸徧
七年民風士習丕變廷臣交薦行取猶念邑當飢僅
後請緩征減墊解除供應軫恤羣黎不異在官補御

史歸卒平生講學不爲科舉嘗云窮理不居敬則玩物喪志居敬不窮理則師心自用點勘宋元諸儒語錄苟與朱子之論似是而非者必闕之所著困勉錄例分學問思辨行五項皆折衷考亭凡一言一動充養自然罔非躬行心得卒之日遠近悲悼行世者有三魚堂集四書大全四書講義松陽講義讀朱隨筆讀禮致疑禮經會元注國策去毒讀書分年日程靈壽縣志一隅集餘尚未梓雍正二年九月

皇上臨雍禮成奉

上諭議增從祀兩廡先賢先儒禮部覆准

本朝應增入崇祀一人陸隴其

浙江通志

隴其初名龍其居泖上少食貧授徒以給專意聖賢之學而一折衷於朱子授嘉定縣邑劇難治以德化之吳下侈靡風爲一變以盜案落職嘉民填塞街市赴撫軍所聲其寃去之日饋薪粟涕泗霑臆架枿結綵燃燭以送遠鄉者刻木爲位旌幢鼓吹迎歸以祠之四方人士爲詩文曰公歸集庚午

上諭舉科道員九卿薦擢四川道御史首疏畿輔賑荒再疏參湖撫在任守制三疏捐納保舉不可行忤衆意議革職謫奉天

上特宥之仍以試俸不稱職罷歸屏跡村舍布衣蔬食泰如也越數年

上忽問輔臣欲用爲江南學院而隴其已沒矣

櫛李詩繫

康熙十七年先生年四十九

詔舉博學鴻詞同郡主政吳源起準庵以先生應薦語內有理學深醇久入程朱之室文章鴻博復登韓柳之堂等語先生曰此雖非余所敢當然豈可不自勉但見邱近夫潘次耕諸君子同在舉中此則可喜

也

年譜輯畧

平湖陸稼書初爲嘉定令以小舟載紡具抵任內子

躬自辟纊易日用蔬菜而慈惠字民強毅任事一時
有神君之頌不二載被劾去嘉定士民數千泣留不
得因刻公歸集爲贈山右魏總憲上疏稱以天下第
一清官復其職仍補靈壽縣內擢監察御史罷官歸

朱涇著書自娛

節錄鈕
琇觚臚

汪淮按先生年譜七世祖溥爲豐城縣丞嘗督運
夜過采石舟漏跪祝曰舟中一錢非法願葬魚腹
漏忽止旦視之則水荇裹三魚塞之人以爲盛德
之祐溥子東始遷居泖上築堂名三魚今先生文
橐率稱三魚堂者以此

惠周惕原名恕字元龍號硯溪江南長洲人康熙辛未
進士授庶吉士改直隸密雲縣知縣著有易傳春秋三
禮問詩說三卷硯溪詩文集若干卷

惠氏三世以經學著周惕其初始者也是書於毛傳
鄭箋朱傳無所專主多自以己意考證其大旨謂大
小雅以音別不以政別謂正雅變雅美刺錯陳不必
分六月以上爲正六月以下爲變文王以下爲正民
勞以下爲變謂二南二十六篇皆疑爲房中之樂不
必泥其所指何人謂周召之分鄭箋誤以爲文王謂
天子諸侯均得有頌魯頌非僭其言皆有依據至謂

頌兼美刺義通於誦則其說未安考鄭康成注儀禮
正歌備句曰正歌者升歌及笙冬三終閒歌三終合
樂三終爲一備核以經文無歌後更誦及一歌一誦
之節其周禮瞽矇職曰諷誦詩鄭注謂闇讀之不依
永也則歌誦是兩事知頌誦亦爲兩事周惕合之非
矣又謂證以國策禮無歸寧之文訓歸寧父母爲無
父母遺懼之義考歸寧文見左傳於禮經必有所承
何休注公羊傳稱諸侯夫人尊重既嫁非有大故不
得反惟士大夫妻雖無事歲歸寧此文當必有所受
曲禮曰女子許嫁纓非有大故不入其門姊妹女子

已嫁而反兄弟弗與同席而坐弗與同器而食其文承上許嫁而言則已嫁而反是卽歸寧之明證不得曰禮無文矣然其餘類皆引據確實樹義深切與枵腹說經徒以臆見決是非者固有殊焉

節錄四庫書目詩說提要

惠周惕世居吳之東渚父有聲字律和明末歲貢生與同里徐枋友善以九經教授鄉里周惕少傳家學又從枋及汪琬遊究心經學工詩古文詞旣壯阨於貧徧歷四方與當代名人交康熙辛未成進士選庶吉士改密雲知縣有善政卒於官所著有易傳春秋

三禮問詩說及研溪詩文集

蘇州府志

吳郡門人惠周惕詩說言博而辨不主故常可備說
詩一家之言己酉予在淮陰始來執贄及予爲祭酒
又從游太學辛未會試予以兵部侍郎爲考試官周
惕適以第六人中第入翰林

居易錄

研溪先生受業於堯峰汪氏故詩格每兼唐宋然皆
自出新意風神轉佳不似他人摭拾宋人字面以爲
能事也生平邃於經學貫穿融浹亦不第以詩家品
目之

國朝詩
別裁集注

元龍通經積學治古文有名於時汪堯峰先生引爲
入室弟子其說詩尤解人頤著書三卷博而不蕪辨

而不詭於正可謂毛鄭之功臣而夾漈紫陽之諍子
矣蓋其學問根抵於一時輩流中與同郡嚴思庵相
驂駕故能原原本本卓然成一家之言不徒肇悅爲
工如明季詩人僅以五七言著已也辛未成進士與
庶常選輦下諸老爲木天慶得人嗣以不練習

國書外調密雲令邑當出關孔道偃

王師北征軍需旁午馬瘠僕痲艱苦萬狀卒侘僚憂
懣以死詩有北征紅豆崢嶸嚙語等集銜華佩實老
氣橫秋蓋亦瓣香於蘇陸諸家而得其髓者

節錄詩鈔小傳

瀛按先生爲鈍翁高弟子士奇亦以文章博學見

推海內父子皆入翰林孫棟覃精經史少時撰有
左傳補注後漢書補注三十卷後專治經著經說
十數種乾隆十六年

詔舉經學大吏以棟名上大學士九卿核定四人
而棟不與然

本朝百餘年以來談漢儒之學者必以東吳惠氏
爲首

賈崧按硯溪所居紅豆書屋在冷香溪之北先是
東禪寺有紅豆樹相傳白鶴禪師所種硯溪移一
枝植堦前因自號紅豆主人并繪紅豆新居圖自

題五絕句屬和者二百家

張貞字起元號杞園山東安邱人康熙壬子拔貢授翰林院孔目不赴著有杞田集八卷杞紀二十二卷

是書以安邱東北界接高昌諸邑爲杞國舊地爰採史傳之有關於杞者綜其條目曰圖考曰星土曰輿

地曰山川曰繫年曰沿革曰封建曰年表曰世次曰

原古曰分國曰系家

案司馬貞史記索隱改世家爲系家乃避唐諱此誤襲其名

曰苗裔曰春秋經傳曰經傳別解曰人物曰遺書曰

藝林曰維綴王士禎序稱其有良史才以安邱一隅

上遡大康斟鄩之故居下迄

國朝數千年事蹟所採之書凡四百餘種可謂勤矣
然以爲杞之故墟旣於繫年錄春秋經文之載祀事
者復爲年表世次系家不幾於疊牀架屋乎且又全
錄春秋經傳及經傳別解爲四卷不更贅乎於遺書
錄夏小正於人物收姁娥其泛濫抑又甚矣藝林內
錄齊風汶水湯湯之詩則以徐州入濟之汶爲青州
入濰之汶至如振鷺有瞽顧炎武大禹陵詩皆一例
採入尤不免地志之錮習也

節錄四庫書
目紀提要

起元以明經需次翰林孔目博雅好古工篆刻喜交

遊青州名士也

居易錄

先生居杞城故墟以古有杞宋無徵之歎博引古書
作杞記二十二卷其體大思精深得太史公家法

廿分

餘話

賈崧按李貞庵張先生墓表稱其博雅好古能鑒
別書畫鼎彝之屬精金石篆刻閒歲出遊吳越與
高士名僧邂逅山水閒觴咏以爲樂旣而購書千
百卷浩然以歸

錢芳標初名鼎瑞字寶汾一字禔號江南華亭人明刑
部侍郎士貴子康熙丙午顯天舉人授內閣中書舍人
著有金門橐湘瑟詞

錢芳標明刑部侍郎士貴子康熙丙午舉北闈授中書舍人風神秀異弱冠卽以詩名會舉博學鴻詞科撫臣薦爲江南第一才人以丁內艱不赴

江南通志

松江錢少司寇艱於嗣與夫人往天童求子大師爲集衆僧問誰願隨錢居士往衆皆不答一飯頭老矣自言願往已而錢果得子名鼎瑞字寶汾後易名芳標字寶汾詞華麗藻有名東南中康熙丙午順天鄉試官中書舍人旣而假歸戊午以博學鴻詞薦值丁內艱不赴一日方與客坐齋中有僧至門持一槭書云自天童來舍人啓視之殊不駭訝但云倉卒奈何

瀛校翰周爲寓匏舍人之弟舍人方正自持翰周
雍容爾雅弟宏本用楫亦博瞻工詩從子煜雍正
癸卯進士衢州府教授乾隆丙辰舉鴻博未試卒

傳畧

三之四 未試
病故者四人

葉舒崇字元禮號謝齋浙江平湖籍江南吳江人康熙
丙辰進士授內閣中書舍人著有謝齋詞哀江南賦注
葉進士元禮神清不減衛叔寶少負雋才嘗注庾子
山哀江南賦爲時所稱己未閣中諸老亟薦之皆欲
爲之道地益公論也至京師而病病旬日竟死豈非

命乎

古夫于
亭雜錄

元禮素病羸然頗不耐杜門客有憂之者或笑狻狙

之性動而彌壽予亦有詩規之

汪苑
說命

元禮爲仲韶先生孫與星期進士並擅文譽有大小

阮之目早歲漂零倦遊京雒嘗與僕輩痛飲燕市有

青山埋骨黃鱸遯紅豆關心綠鬢殘之句

徐鉉
筆記

分湖葉元禮爲鍾廣漢徵誅文援筆作引頗屬哀艷

李武曾曰讀此如聞急風淒雨令人益增鄰笛之悲

今世
說

元禮最工四六愛讀哀江南賦嘗手注之人謂王逸

之注楚辭不是過也

鶴徵錄
補輯

郁植字大木號東堂江南太倉人明諸生著有東堂集
草

東堂八歲應試作五倫論吳梅邨祭酒見而奇之既
長研窮古學爲王新城尚書賞識康熙己未以博學
鴻詞薦未應試卒詩體裁盛唐不落元和以下讀悲
歌六章可以見其生平

國朝詩別裁集注

賈崧按東堂父法號存齋住錦雲溪有靜觀樓慕
程朱之學嘗延滇南傅祖堯講學其中東堂未冠
補諸生豪於詩古文詞與常熟錢湘靈稱雙璧

陳九勝字

江南

人

同時薦舉者吳郡黃靜御綜選聽嚶堂四六錄先生

蘇臺覽古賦一篇撫今弔古極蒼涼歷落之致李富孫鶴

徵錄
續補

傳畧

三之五 未試
致仕者一人

祝宏坊字子禮浙江山陰人康熙庚戌進士授陝西會
寧縣知縣

子禮父名紹燿以孝聞於鄉子禮學問淹洽與稽椒

子交契令會寧有惠政章學誠鑑
湖舊聞

己未詞科錄卷五

通議大夫廣東提刑按察使司按察使無錫秦瀛輯

傅畧

四 患病行催
不到者十七人

應搗謙字嗣寅號潛齋浙江錢塘人諸生著有周易應
氏集解十三卷詩傳翼十二卷禮學彙編七十卷春秋
集解十二卷附校補春秋集解緒餘一卷春秋提要補
遺一卷古樂書二卷禮樂彙編四十卷論孟拾遺十二
卷學庸本義四卷孝經辨定四卷幼學養蒙編二十卷
朱子集要三卷性理大中二十八卷教養全書四十一
卷潛齋文集二十卷

撝謙字嗣寅錢塘人康熙己未嘗舉博學鴻詞是書
朱彞尊經義攷作十七卷此本僅十三卷然首尾完
具不似有所脫佚或彞尊偶誤耶節錄四庫書目凡
易應氏集解提要
是書節錄三傳及胡安國傳參證諸家之說而以己
意折衷之前有自序末附校補春秋集解緒餘一卷
則其門人錢塘凌嘉邵所補輯也凡撝謙之說稱曰
應氏而嘉邵之說則退一格以別之皆摘論經中疑
義又附春秋提要補遺一卷如軍賦祭祀等事分門
類紀不書撝謙姓氏當亦嘉邵所著歟節錄四庫書
目春秋集解

提要

是書因性理大全而增損之更其篇籍刪其繁文補其闕畧初創彙於康熙庚寅越六年復爲訂正至辛酉始定爲今本故卷端有自序又有重訂一序其退太極圖說於末卷蓋卽呂祖謙題近思錄以陰陽性命之說錄於首卷而致知力行之方反錄於後懼學者驚於高遠意其凡例稱自聖學失傳以後開闢洪荒豈無所自嘉言自漢唐以來累累而有亦平心之

公論

節錄四庫書目
性理大中提要

是書分選舉學校治官田賦水利國計漕運治河師役鹽法十考節引史文而取前人評論各參其下體

例略傲文獻通考於明代事實所載尤詳摛謙附

斷語議論亦多醇正

節錄四庫書目
教養全書提要

應摛謙字嗣寅仁和人爲諸生殫心理學窮極底蘊
家貧甚環堵蕭然而弟子日益進立教惟以躬行實
踐爲主其學以不自欺爲持身涉世之本於六經多
所發明尤精於易嘗病世儒言易失之穿鑿歿後巡
撫河陽趙士麟刻其性理儀封張伯行刻其潛齋文

集行於世

浙江
通志

先生性至孝母病數年侍疾晝夜不懈母憐之強爲
娶婦終不入私室母卒逾祥禫始行合巹坐臥不下

樓人罕梯接以經學教授里中自撰無悶先生傳畧
云學不適時不好禪不喜王陸家言爲文章不詭合
自怡悅而已密友多窮交經年不見與日見無異足
跡不出百里而泰華溟渤皆於書冊見之生不及古
人而義農堯舜若接聲響也著書若干萬言人來觀
者亦不吝云歲己未薦舉鴻博屢徵不起卒於家

池北

談偶

先生字嗣寅學者稱爲潛齋先生父尙倫故孝子先
生之生也有文在其手曰八卦左重耳右重瞳少卽
以斯道爲己任于遺經皆實踐而力行之不以勦說

一筵一席罔不整肅所居僅足蔽風雨簞瓢屢空恬
如也戊午合肥李公天馥閣學同里項公景襄以大
科薦先生與床以告有司曰橋謙非敢却聘實病不
能行耳俄而范公承謨繼至又欲薦之先生遂稱廢
疾同里姜御史圖南以視鹺歸于故舊皆有饋嘗再
至先生不受所著書二十有八種其大者周易集解
詩傳翼書傳拾遺春秋傳攷禮樂彙編古樂書論孟
拾遺學庸本義孝經辨定性理大中幼學蒙養編朱
子集要教養全錄潛齋集共若干卷卒年六十有九

先生講洛閩之學於易書詩禮樂春秋孝經論孟學
庸各有著說踐履篤實杭人稱爲應先生少時同學
欲試其所守藏妓館舍夜醉先生而歸之先生雜誦
達旦卒不動其早歲操行已如此

李遇孫鶴
徵錄續補

瀛按先生爲李公天馥項公景襄所薦與先宮諭
同舉主子禮璧禮琮游陸稼書先生之門亦有學
行

張新標字鞠存號淮山江南山陽人明戶部主事世本
孫順治乙丑進士授內閣中書舍人官至吏部考工司
郎中著有淮山詩選英華集涉江集黃嶽集

先生字鞠存號淮山江南山陽人世承家學早歲以文章名順治丙戌舉于鄉己丑成進士授中書與諸名宿尊酒論文以學行相砥礪擢主事左遷歸性孝友母李太孺人早卒終身哀慕父農部公病刲股瀕天喪服遵古禮族多寒素婚嫁病葬賙恤無倦容詔舉鴻博與長君同受辟

命長君授檢討先生以老疾罷歸文宗秦漢詩古體出漢魏五七言律法少陵有淮山詩選英華涉江黃

嶽諸集

節錄方象
瑛撰本傳

毛大可過海陵至淮上時吏部張鞠存父子嗜詩有

名園中秋夜會客數十人伎樂合作鼓吹竟夕毛倚
醉扣盤賦明河篇凡六百餘言及旦淮上諸家傳寫
殆遍宣城施愚山還自京師見之目爲才子

今世說

鞠存子涇原檢討由中書擢吏部主事以文學吏才
稱於時與嵇宗孟姻親父子翁壻並膺薦舉士林傳
爲佳話

杭世駿
筆記

瀛按吳星叟謂鞠存到京兩眼如墮雲霧入試僅
書八大字而出迦陵爲徵壽言云枚皋枚乘共揮
毫於鵷鵲樓頭崔瑗崔駰同獻賦於未央殿下此
可爲入試之証鶴徵錄誤入之患病行催不到之

列姑從之附記於此

范鄩鼎字彪山西洪洞人康熙辛丑進士著有理學備考三十四卷五經堂文集五卷語錄一卷續垂棘編三集十卷四集九卷三晉詩選四十卷

是集皆各體雜文本名草草卷卷首有鄩鼎自序文格酷摹尚書雖本之夏侯元昆弟浩然未免太近游戲末附語錄一卷乃其子翻搜輯諸刻書中鄩鼎評識之語彙成一帙因並梓之實非鄩鼎所自作亦非

門人所記也

節錄四庫書目五經堂文集提要

鄩鼎辛丑進士請終養戊午朱太常裴薦鴻博辭

御賜山林雲鶴四字鄣鼎性孝友通籍後閉戶讀書
立希賢書院置學田修虞士晉太師明韓尙書衛太
守墓著內篇外篇數十種三晉詩選續垂棘諸集網
羅放失山右文獻賴之癸未迎

駕進理學備攷廣理學備攷陳文貞廷敬嘗賦詩曰
歸來屬車上猶指少微星蓋紀實也

山西通志

先生養親不仕講洛閩之學河閒人士多從授經以
鴻博薦不出奉

溫旨人益仰重之所著書凡數十種云

居易錄

賈崧按彪西閩明絳州辛復元先生全之學與應

潛齋李二曲以理學著于南北子翺亦以五經中
辛卯副貢癸巳舉人

王追騏字雪洲湖廣黃岡人順治己亥進士授庶吉士
改禮科給事中官至山東武德道僉事著有雪洲詩集
雪洲由詞林入諫垣建牙山左以伉直忤時而其詩

寄托遙深絕不露佗條無聊之概

魏惟度
筆記

嵇宗孟字淑子號子震江南山陽人崇禎丙子舉人授
浙江餘姚縣知縣官至杭州府知府著有立命堂集二
十卷立命堂二集十三卷蠡史一卷星路陽秋一卷識
小箋一卷詩姆一卷甌樂行舊錄一卷詩餘一卷

是集前有康熙王子沈珩序稱已刻賦若干卷詩若干卷文若干卷故又編爲二集計賦十二首詩四百三首文八十八首凡七卷其七卷以下附刻各種小集曰蠡史曰星路陽秋曰識小箋曰詩拇曰甌樂行舊錄各爲一卷又詩餘一卷曰酒古董蓋其時去明

未遠故通體皆規模鍾譚節錄四庫書目立命堂二集提要

嵇宗孟字淑子山陽人天資穎異善屬文詞采壯麗由乙榜歷守杭州遽乞歸薦舉博學鴻詞堅以疾辭

著有立命堂集楚江蠡史諸篇江南通志

嵇淑子治杭州時事無巨細皆委曲周詳夜以繼日

不以爲勞郡有好古樂道之士必折柬招之不至雖

蓬華親造訪焉

同上

嵇叔子爲李太虛作閬園影賦數千言編珠貫玉地

負海涵刻畫殆盡李攜示趙洞門開心李叔則明府

各舌橋不下嵇美髯眉間一寸守杭州清介愛士四

壁蕭然風雨不蔽郡有好古之士必折柬招致

茶餘客話

蔡方炳字九霞號息關江南崑山人明山西巡撫忠襄

懋德之子長洲學生著有增訂廣輿記二十四卷憤助

編二卷恥存齋集二十卷

其父懋德嘗取前人格言分條輯錄以自砥礪方炳

得其手彙每攜以自隨未及編次而爲人竊去至年六十餘因採擇諸儒緒論仿懋德原編體例復爲此書以補之

節錄四庫書目
憤助編提要

九霞先生世其家學著書不一家繪有著書圖詩文

題咏盡一時名流

杭世駿
筆記

華瑞璜校九霞嗜學涉獵羣書兼工篆草朱竹垞題其著書圖有云中年巾柴車起應鶴書召人多留囂塵君乃返蓬藿兄方熺字涵之痛父殉國賊之難絕意人事隱居以老雖屢空不肯千人卒日
至無以殮

陸舜字元升號吳州江南泰州人康熙甲辰進士授刑部主事遷郎中歷官浙江提學著有雙虹堂詩文集

元升初任刑曹多所平反視學吾浙每試士命題必自製藝爲諸生程式諸生瞻帳中搖筆如飛其文精湛雅馴出入經史競傳誦之以疾乞休家居二十年

詩文益富

李遇孫鶴徵錄續補

李容字中孚號二曲陝西盩厔人布衣著有四書反身錄六卷續補一卷二曲集二十二卷十三經糾繆十卷廿一史糾繆三十卷

李容字中孚盩厔人康熙己未薦舉博學鴻詞以年

老不能赴京而罷康熙四十二年

聖祖仁皇帝西巡

召容入見時容已衰老遣子慎言詣

行在陳情以所著二曲集反身錄奏進

上特賜御書操志高潔以獎之是書本題曰二曲先生口授鄆縣門人王心敬錄二曲者容之別號水曲曰盪山曲曰屋盪屋當山水之曲故因其地以稱之是此書成於心敬之手容特口授然核其序文年月則是書之成容猶及見非身後追錄之比實仍容所自定也容之學本於姚江書中所載如大學格物之

物爲身心意知家國天下之物卽物有本末之物又
謂明德與良知無分別念慮微起良知卽知善與不
善知善卽實行其善知惡卽實去其惡不昧所知心
方自慊云

節錄四庫書目四
書反身錄提要

集爲門人王心敬所編每卷分標篇目曰悔過自新
說曰學髓曰兩庠彙語曰靖江要語曰錫山要語曰
傳心錄曰體用全學曰讀書次第曰東行述曰南行
述曰東林書院會語曰匡時要務曰關中書院會約
曰盤屋答問曰富平答問曰觀感錄皆其講學教授
之語或出自著或門弟子所輯凡十六種至二十二

卷則容所著雜文也二十三卷以下曰襄城記異乃容父可從明末從汪喬年擊流寇戰歿容建祠襄城有聞鬼語之事各作詩文記之而劉宗泗裒輯成帙者曰義林記則記招魂葬父事亦宗泗所輯曰李氏家乘曰賢母祠記則皆爲可從及容母彭氏所作傳記詩文而富平惠寵嗣彙次之刊集時并以編入蓋用宋人附錄之例然卷帙繁重而無關容之著作殊爲贅尤

節錄四庫書目
二曲集提要

中孚幼孤事母至孝年十六就塾塾師嫌其貧不納母乃聽其無師而學母教之識字隱君心自開悟未

幾通制義學博延安左君覽之大驚曰天下有不從
帖括而竟爲邁俗之文若此者乎勸之就童子試不
應自是厭棄俗學求聖賢所以爲學之道龔百業
撰本傳
塾屋李中孚兩經徵聘不出有古人之風以理學倡

導關中

池北
偶談

先生姓李氏字中孚別署曰二曲土室病夫學者稱
二曲先生以昌明關學爲己任自經子史集以至二
氏之書無不觀然非以資博覽其所自得不滯於訓
詁文義曠然見其會通陝督鄂君以隱逸薦辭牘八
上時先生以病爲解得

旨俟病愈敦促入京遂自稱廢疾長臥不起戊午部
臣以海內真儒薦時詞科薦章徧海內而先生獨以
昌明絕學之目中朝必欲致之固稱病篤舁其床至
行省水漿不入口者六日拔刀自刺乃得予假治疾
歎曰將來強我不已不死不止是皆平生學道不純
洗心不密不能自晦之所至也自後荆扉反鎖不復
與人接惟吳中顧寧人至則款之已而

天子西巡欲見之令陝督傳

旨又驚泣曰吾其死矣辭以廢疾不至

特賜關中大儒四字以寵之四十以前嘗著十三經

糾繆廿一史糾繆諸書以及象數之學無不有著述其學極博既而以爲近於口耳之學無當於身心不復示人所至講學門人皆錄其語先生起自孤根上接關學六百年之統寒飢清苦之中守道愈嚴而耿光四出無所憑藉拔地倚天尤爲莫及子二慎言慎行皆能守其父之志

節錄鮑鱗亭集墓志

瀛校先生之講學無錫也實主吾家先燈巖公從之游稱先生識見高明踐履篤實以雪府君墓表蓋出先生撰著云

瀛又按二曲父可從明才官從汪喬年擊流寇戰

歿方望溪云當吾之世志行越眾者三人睢州湯
潛庵之母爲流賊所縛關西李中孚之父糜爛於
戰場博野顏習齋父流亡母改適匍匐萬里始得
父墓見異母之妹招魂而歸顧亭林云堅苦力學
無師而成吾不如李中孚賂鍾麟爲西安府同知
執弟子禮事之後守吾郡建延陵書院延中孚主
講席嘗會講於吾邑東林書院有錫山要語其門
人王心敬編錄

黃宗羲字太沖號梨洲浙江餘姚人前明御史諡忠端
尊素之子著有易學象數論六卷深衣攷一卷孟子師

說二卷明儒學案六十二卷今水經一卷四明山志九
卷歷代甲子攷一卷二程學案二卷南雷文定十一卷
文約四卷明文海四百八十二卷明文案二百卷待訪
錄一卷歷法十卷匡廬遊錄二卷

是書宗羲自序云易廣大無所不備自九流百家借
之以行其說而易之本義反晦世儒過視象數以爲
絕學故爲所欺今一一疏通之知其於易了無干涉
而後反求程傳亦廓清之一端又稱王輔嗣注簡當
而無浮義而病朱子添入康節先天之學爲添一障
蓋易至京房焦延壽而流爲方術至陳搏而岐八道

家學者失其初旨彌推衍而繆轉彌增蕤病其末派
之支離先糾其本原之依託前三卷論河圖洛書先
天方位納甲納音月建卦氣卦變互卦筮法占法而
附以所著之原象爲內篇皆象也後三卷論太元乾
鑿度元包潛虛洞極洪範數皇極數以及六壬太乙
遁甲爲外篇皆數也大旨謂聖人以象示人有八卦
之象六爻之象象形之象爻位之象反對之象方位
之象互體之象七者備而象窮矣後儒之爲譌象者
納甲也動爻也卦變也先天也四者雜而七者晦矣
故是編崇七象而斥四象而七者之中又必求其合

於古以辨象學之譌又遁甲太乙六壬三書世謂之
三式皆主九宮以參詳人事是編以鄭康成之太乙
行九宮法證太乙以吳越春秋之占法國語冷州鳩
之對證六壬而云後世皆失其傳以訂數學之失其
持論皆有依據蓋宗羲究心象數故一一能洞曉其
始末因而盡得其瑕疵非但據理空談不中窳要者
比也惟本宋薛季宣之說以河圖爲卽後世圖經洛
書爲卽後世地志顧命之河圖卽今之黃冊則未免
主持太過至於矯往過直轉使傳陳搏之學者得據
經典而反脣是其一失然宏綱巨目辨論精詳與胡

渭易圖明辨均可謂有功易道者矣

節錄四庫書目
易學象數論提

要

是編以其師劉宗周於論語有學案於大學有統義於中庸有慎獨義獨於孟子無成書乃述其平日所聞著爲是書以補所未備其曰師說者仿趙汸述黃澤春秋之學題曰春秋師說例也宗周之學雖標慎獨爲宗而大旨淵源究以姚江爲本故宗羲所述仍多闡發良知之旨然於滕文公爲世子章力闢沈作喆語辨無善無惡之非於居下位章力闢王畿語辨性亦空寂隨物善惡之說則亦不盡主姚江矣其他

議論大都案諸實際推究事理不爲空踈無用之談

節錄四庫書目

孟子師說提要

國朝黃宗羲撰其子百家續成之宗羲有易學象數
論已著錄是編以二程造道各殊因輯二程語錄及
先儒議論二程者各爲一卷百家又以已意附論各
條之下然黃氏之學出王守仁雖盛談伊洛姚江之

根柢終在也

節錄四庫書目
二程學案提要

明代文章自何李盛行天下相率爲沿襲剽竊之學
逮嘉隆以後其弊益甚宗羲之意在於掃除摹擬空
所倚傍以情至爲宗又欲使一代典章人物俱藉以

攷見大凡故雖遊戲小說家言亦爲兼收並採不免
失之泛濫然其蒐羅極富所閱明人集幾至二千餘
家如桑悅北都南都二賦朱彞尊著日下舊聞時搜
討未見而宗羲得之以冠茲選其他散失零落賴此
以傳者尙復不少亦可謂一代文章之淵藪考明人
著作者當必以是編爲極備矣

備錄四庫書目
明文海提要

四明山舊稱名勝而巖壑幽邃文士罕能周歷故紀
載多踈宗羲家於北七十峯之下嘗捫蘿越險尋覽
而月得以攷求古蹟訂正譌傳乃博采諸書輯爲此
志凡九門宗羲記誦淹通序述亦特詳贍惟所收詩

文過博併以友朋倡和之作牽連附入猶不出地志

房別出三門其諸門之內既附詩於各條下又別出

詩括文括二門爲例亦未免不純也

節錄四庫書目
四明山志提要

黃宗羲字太沖餘姚人父尊素明御史死詔獄宗羲
年十九袖疏入京訟寃歸而受業劉宗周聞誠意慎
獨之學寧波績學之士數十人連袂稱弟子康熙十
八年都御史徐元文薦於

朝以老病辭乃

詔取所著書宣付史館二十九年

上以海內遺獻問尙書徐乾學舉宗羲但言其衰老乃止宗羲上下古今穿穴羣言自天官地志九流百氏之教無不精研學者稱爲梨洲先生年八十有六

卒

浙江通志

公上疏爲忠端訟寃會逆奄已磔卽請誅曹欽程李實并袖錐錐許顯純毆崔應元拔其鬚思陵歎曰忠臣孤子弟宗炎宗會公教之皆大有聲於是士林稱爲浙東三黃陽羨欲薦之力辭甲申難作阮大鍼驟起南中欲盡殺復社諸名士公名挂彈事

大兵至得免無何浙東孫公嘉績熊公汝霖畫江而

守公以布衣參軍授職方改監察御史已又歸監國
海上歷拜右副都御史旋辭歸變姓名杜門匿景累
瀕于危得不死康熙戊午

詔徵博學鴻儒葉公方藹先以詩德愬公卒以老病
辭魏公象樞曰吾生平願見而不得見者三人夏峰
梨洲二曲也庚午

上訪及遺獻徐公乾學以公對終不能致公雖不赴
徵書而史局大案必資于公

節錄鮑鯨亭
集神道碑

太沖父忠端公死奄旣太沖上書訟寃聲振國門年
踰六十一尙嗜學不止每寒夜身擁緼被以雙足置

土爐上餘膏熒熒執一卷危坐暑月則以麻帷蔽體
置小燈帷外翻書隔光常至丙夜所學上本五經旁
羅百氏俱能採精獵微得其本末

今世說

瀛校先生在魯王時曾授副都御史我

朝訪求遺獻硜硜卒守其志平生學問由戢山以
上溯姚江間亦不無同異與先燈巖公作書往復
論尊德性道問學之旨見南雷文定其族諸孫徵
肅屬題先生象晬乎其容猶想見先生志事戊午
鴻博之舉葉訢菴嘗貽詩愆愆先生卒以老病辭
固未嘗舉也鶴徵錄誤入之患病行催不到之列

姑從之附記於此

瀛又按魏庸齋與許海昌書云黃先生學貫天人諸公物色之者頗衆聞其年高未敢輕動泉石李鄴園亦欲舉先生因渠母老而止先生既不就舉命子百家至京與修明史百家字主一

張九徵字公道號湘曉江南丹徒人順治乙酉解元丁亥進士授行人司行人考選吏部文選司主事驗封司員外考功司郎中丁憂服闋補稽勲司郎中出爲河南按察司僉事河南督學僉事著有閩遊草艾納亭存藁文陸堂文藁

張九徵丹徒人順治丁亥進士兩爲文選司郎中以
按察僉事視學河南正文體釐祀典命士子誦習小
學家禮二書爲天下學政第一以博學鴻詞薦引疾
未赴九徵研精三傳于明代人物能縷舉其世系與
其門生姻戚次子玉書總裁明史稟承家學官至大
學士諡文貞別有傳長子玉裁博學有文名康熙丁
未進士

廷對一甲第二名在史館方軌自持四子仕可康熙
丙辰進士歷官衡永郴道五子恕可康熙戊辰進士

杭州府知府

江南
通志

公年二十九舉順治乙酉鄉試第一時初經喪亂人皆廢學科舉之文猶沿明季蕪詭之習公文宏雅博大爲一代模楷玉文貞公在翰林一見深器重之丁亥成進士踰年爲行人司行人頒

詔福建又二年

世祖章皇帝親政視學奉

命之闕里宣衍聖公又二年改選爲吏部文選司主事乙未請養未抵家聞訃亡何海寇作亂犯鎮江提帥兵少戰潰公與笄御史重光嬰城守禦副將知府蓄異志顧語城下曰眾皆欲降獨某某不從爾賊謂

曰惟爾等速圖之公與笱聞之急趨下城而門牡已
啟賊蜂擁入笱縋城去公微服出城東門日暮得一
艇脫身走常州謁巡撫蔣公言海寇烏合易破宜速
進兵未幾賊敗果如公畫始賊入城名捕公不得縶
家眾焚掠公舍時封公匱在堂火將及回燄不蕪如
有神護康熙二年補稽勲司郎中初更吏曹一例以
方面推補明年公以河南按察司僉事出視學政河
南兵荒後文治日衰公設立條格獎拔孤寒倡明禮
教兩河人士歎爲百年未有黜中牟潘岳祀典祀尚
書鐵鉉於鄧州求其裔孫奉祠祀增置社學擇師教

郡邑弟子事竣攷核爲天下第一會撫臣疏舉卓異
詔賜蟒衣

俞部議需次超遷公已誓墓不欲出矣康熙十七年
詔舉博學鴻儒冢宰郝恭定公少宰通州張公列公
名上比疏下督撫促赴

召公引疾控辭

詔不許公復懇辭于是部議病痊赴

召

詔報可居平教子具有規範故侍郎兄弟均以文行
題名侍郎被

眷優渥每得寵賚必進之公公榮

君賜輒貽書以

主恩難報勤職盡瘁爲訓公好急人難三郟婚喪以
佐匱請者日踵門必盡力周卹郡中數起大獄公每
陰爲解救己亥年沙洲失業山田之人計畝以粟濟
之沙洲旣復業山田連歲大旱公言於有司令洲民
如數還償全活甚眾

節錄愷園
集行狀

國初己酉江南解元張湘曉九徵視學乞歸康熙十
七年冢宰郝恭定惟訥薦舉博學鴻詞貽友人詩云
少不如人何況老身將終隱又焉文又遣懷云虛名

空好羊公鶴肥遜深慚梁伯鸞京雒少年爭獻賦伏
生接武賈生難人以是知公不出矣子文貞公玉書
性澹泊不肉食日麤糲一盂或山藥少許官庶子爲
明史總裁湘曉貽書戒之曰此非養生之道食不厭
精汝未讀鄉黨耶退直後宜靜坐片刻養身節勞勿
以膏自焚也古樂府殺君馬者路旁兒謂竭馬之力
以娛道旁耳目吾慮汝之馬力竭矣文貞聞命悚然

加一餐焉

茶餘
客話

賈崧桉先生孫宏敏字訥夫號紅洲由庠生充
武英殿供奉康熙辛卯副貢甲午舉人官湖廣孝

感縣知縣乾隆丙辰兵部侍郎王士俊亦以鴻博
薦又先生後人有名適者字叔度嘗官布政使卜
築武進之青山莊園亭廣袤極林壑之勝後以事
敗其園遂已易主今惟蒼烟滿目耳數十年來京
江張氏門戶凋落惟辛卯舉人護見官江西贛州
守

魏禧字冰叔一字叔子江西寧都人明諸生著有左傳
經世二十卷叔子文集二十二卷詩集八卷日錄三卷
叔子名禧字冰叔兄祥弟禮並能文章而禧尤知名
年十一補邑弟子員試輒冠其曹已乃謝棄諸生服

隱居教授負才畧善學畫理勢對客議論目光奕奕射人事前決成敗縣策而後驗者十常七八既讞諸生益肆力爲古文辭授徒窮山弟子著籍者常數十人喜讀史尤好左史傳及蘇洵其爲文主識議綜練世務而凌厲雄健不屑屑規撫形肖如世之貌似大家者遇忠孝節烈事則益感慨激昂摹畫淋漓故其所爲新樂府劉文炳傳及江採江天一諸傳尤工年四十餘乃出游涉江逾淮數游吳越間思益交天下士聞隱逸道德之儒不憚數百里造訪于吳門交徐枋金俊明西陵交汪颯乍浦交李天植常熟交顧祖

禹方外交藥地楠木皆遺民也康熙十七年

詔中外舉博學鴻詞士徵詣

闕禧亦在舉中以疾辭郡縣督趣就道乃舁疾至南
昌醫藥累月稱疾篤罷歸後二年赴維揚故人約舟
至儀徵忽暴心氣病一夕卒年五十七著有文集二
十二卷詩集八卷目錄三卷左傳經世若干卷皆行

世

宋萃三家
文鈔本傳

魏氏三子皆徵君天民子長曰祥一名際瑞字善伯
是爲伯子次曰禧字冰叔曰禮字和公是爲叔子季
子三子平日以父爲師兄弟相爲朋友四方及鄉里

之賢者三子莫不折節請受其益或講求天下古今之故或窮聖賢之理義或談論詩賦文章皆欲究其所以然者伯子季子閻歷十二國所經恒數萬里其於世務人情多所諳識叔季二子所交奇緯蘊抱之士視伯子爲至多各有文集十數卷

今世說

寧都三魏或比之睂山三蘇魏笑謝曰人各自成其我雖兄弟至親不期相類何事高擬以辱古人

同上

瀛按先生流寓無錫與先燈巖公爲執友梁溪名士如家湘侯先生沅華商原長發顧景范祖禹諸公皆與先生交先生文成諸公爲之評騭今文集

中先公評語尤多嘗爲先公題顧子方先生遺墨
及撰五十壽序先公贈以五言詩見顧晴沙觀察
梁溪詩鈔

瀛又按叔子爲明諸生甲申棄去從父兆鳳結廬
翠微峯與彭躬庵士望林確齋時益李力負騰蛟
邱邦士維屏彭中叔任曾青藜燦及兄善伯祥弟
和公禮同志九人爲易堂學時青藜兄庭聞碗盛
才名號二曾以籍寧夏不得與善伯亦時出佐大
帥戎幕跡介出處之間堂中人以竹林山王待之
八人皆巖處躬耕自食束身砥行讀書論古名公

卿聞其名願見之弗往獨與沈淪窮約者遊生平淹通史學尤得力左氏傳後卒于儀徵妻某氏聞訃不食死

顧景星字赤方號黃公湖廣蘄州人貢生著有黃公說字白茅堂集四十六卷童子集三卷願學集八卷書目十卷顧氏列傳十五卷阮嗣宗詠懷詩注二卷李長吉詩注四卷讀史集論九卷暉池錄一百十八卷南渡來耕集七十三卷二集十四卷

景星記誦淹博才氣尤縱橫不羈詩文雄贍亦一時之霸才而細大不捐榛楛勿翦其後人收拾遺棄又

不甚別裁傅毅之不能自休陸機之才多爲患殆俱

有焉

節錄四庫書目
白茅堂集提要

蘄州顧景星黃公與廣濟張仁熙最人竟陵胡承諾
君信吳驥旣閑皆前代逸民有名江漢間推爲海內

耆舊

居易錄

赤方出其詩與施愚山相讐校嘗握手笑曰吾儕本
相好攻瑕索垢當猛鷲如寇讐毋留纖塵爲後人口

實時歎爲名言

今世說

余始聞顧赤方而未識其人一日自楚蘄抱其詩來
曰非公誰序者余特異之與之見恍爽駘蕩時取讀

之恢博雄悍不讓古人信乎其可以豪矣赤方機警

性成今總憲龔公嘗識之總角中既長益博覽彙記

諸子百家仙釋諸書無不流覽勤蒐以贍其才力故

其詩如此

摘錄愚山集
顧赤方詩序

顧豹文字季蔚號且菴浙江錢塘人順治乙未進士授

河南真陽縣知縣歷官至河南南道監察御史巡按郎陽

著有世美堂集

顧豹文少以才稱讀書纘言能記他生之所習中順

治乙未進士除真陽知縣招流亡立鹽肆建學宮於

黃叔度祠設文會以殿最諸生行取擢臺班巡視東

城尋出按湖廣察川蜀諸賊竄伏要領所在嚴營堡
偪其巢并䟽捐漢安荆襄等州縣逋糧以及無征額
課安陸有蘆狀口隄陞久圯潛沔被其災督所屬刻
期竣役湖堤屹然建義倉一百四十餘所遭內外艱
歸里時年四十九引病不出得城北葛氏廢園乃芟
蕪荒穢建小樓與二三老友商畧經史名曰願圃追
白蘇之遺風舉洛社之故事卒年七十有五

浙江通志

顧豹文順治乙未進士除河南真陽知縣河南經流
賊蹂躪真陽僅存廢壘豹文招流亡慰疾苦民稍稍
集初慮囚釋其輕繫數十人有罪重二人豹文欲爲

平反吏持牘爭曰是不可赦豹文曰新國用輕刑不限成例遂立釋之擢御史疏稱五刑輕罪或至全家繫縲宜廣好生之心罪止本身寬其連坐罪人七十以上十五以下概從周內殊可矜憐乞原情定律使無知老幼得遂生成又疏言鹽法壅滯宜明勅地方計口定額度道里遠近以酌食鹽之便否巡視東城發奸摘伏三輔畏其神明巡按鄖陽捕邪教竊發者斬李龍鳳劉福等於市而赦其脅從賊黨遂散會撤巡按還京師以省親告假歸里居兩年再入臺疏劾悉當遭內外喪引滿乞休

杭州府志

瀛按先生有園在城北卽葛氏廢園建小樓其中
名曰願圃余嘗訪其園已屢易主家藏順治乙未
科題名錄先生與先宮諭爲乙未同年因錄以歸
章貞字含可浙江會稽人順治乙未進士除山東壽光
縣知縣降河南滎陽縣縣丞遷湖廣棗陽縣知縣著東

銘解

含可兩世孤露曾祖八十翁篤課之工詩古文歷知
縣事有惠政薦博學鴻詞行抵江寧病歸

陳廣寧雪
樵偶錄

傳畧

到京稱疾不
與試者二人

紀昞字仲霄直隸文安人諸生一作獻縣人

河間紀昉舉鴻博以天性疎放恐妨游覽稱疾不與

試

紀昉知

是我聞

王宏撰字無異號山史一號砥齋陝西華陰人國學生
著有周易筮述八卷正學偶見一卷山志六卷砥齋集
十卷十七帖注一卷孔子生卒考一卷

宏撰以朱子謂易本卜筮之書故作此編以述其義
其卷一曰原筮曰筮儀曰著數筮儀本朱子竝參以
汴水趙氏其卷二曰揲法其卷三曰變占尊聖經黜
易林稽之左傳與朱子大同小異其卷四曰九六曰
三極曰中爻中爻卽互體其卷五曰卦德曰卦象曰

卦氣卦氣本邵子朱子竝附太乙秘要其卷六曰卦辭其卷七曰左傳國語占曰餘論其卷八曰推驗采之陸氏其涉於大異可駭者弗載其書雖專爲筮著而設而大旨闢焦京之術闢文周之理立論悉推本於經義較之方技者流實區以別故進而列之易類

不以術數論焉

節錄四庫書目
周易筮述提要

是編以周子無極之說陸九淵爭之於前朱子格物之說王守仁軋之於後諸儒聚訟數百年而未休大抵尊朱者則全斥陸王爲非尊陸王者則全斥朱子爲謬迄無持是非之平者宏撰此書則以爲格物之

說當以朱子所註爲是無極之說當以陸九淵所辨
爲是持論頗爲平允其中雖歷引諸說以相詰難而
詞氣皆極和平凡崇朱氏學者稱先朝之亂由於學
術不正其首禍爲王陽明崇陸氏學者稱無極二字
出於老子爲周子真贓實犯之類宏撰皆指爲太過
其言曰予素信朱子惟於無極太極之說小異誠不
敢以心之所不安者徒勦襲雷同以蹈於自欺欺人
之爲其亦異於好爲異論者矣

節錄四庫書目
正學附見提要

是編乃其筆記之文議論多而攷證少亦頗及見聞
雜事其論曾子字子與孟子受業子思之門人不應

亦字子輿不知古不諱字卽弟子亦不避師名董仲舒弟子有呂步舒漢人重師承當時不以爲非也且論古詩東城高且長與燕趙多佳人當從文選註分爲二篇不知李善五臣竝無此語此語起於明張鳳翼之纂註不足爲據陸機所擬及徐陵玉臺新詠亦均作一首鳳翼何從知爲二也其載明世宗論書武成篇有引用歐陽修語指爲有功於六經楊一清對以修之解經僅見武成宏撰以一清之對爲是是均未知修自有詩本義也其載郭正域所刻韻經爲沈約故本詆屠隆未見其書是韻書原委全未尋檢

也其載簡紹芳之說辨揚雄未嘗仕王莽是未核李善文選註王儉集序所引劉歆七略也其爲楊嗣昌辨冤亦恩怨之見不足爲憑至於紀孫傳庭之死謂得於其至戚孔滌儒與史小異可資參攷其講學諸條亦皆醇正平允與孫承澤雖友善而無所曲徇頗能去門戶之見爲可取云

節錄四庫書目山志提要

山史寄所著十七帖述并注極擣而核述云此帖前人謂皆與周益州者周名撫字道和永和三年桓溫攻成都李勢降以撫代母邱奧爲益州刺史進爵建威公征西都護進鎮西將軍在官三十餘年有惠政

卒蜀人廟祀之帖中多言蜀事又案淳化帖云周益州送此邛竹杖卿尊長或須此今送則此帖謂是與周者可信而中有數帖非與周語來禽帖宋僧那詩謂與桓宣武楊用修四川志只載八帖是與周則謂此帖皆是與周者亦不然也帖凡二十有七以第一帖首字名篇故曰十七帖張彥遠法書要錄云十七帖長一丈二尺卽貞觀中內本一百七行九百四十三字是烜赫著名帖也黃長睿東觀餘論云十七帖多臨本永禪師虞世南褚庭誨臨字皆不甚遠故書有數本皆不同南唐李後主勒石澄心堂者乃賀知

章臨本宋魏泰家有硬黃本淳熙祕閣續帖亦有刻
淳化帖刻多殘缺今世所傳雖非皆右軍真跡然皆
出于右軍要皆不及唐人摹刻弓尾有敕字及解褚
勒定者爲佳也山史工書嘗刻郭宗昌金石史康熙
己未以博學鴻儒徵辭病歸

古夫于
序雜錄

王宏撰字無異陝西華陰人學粹天人性命克紹濂

雒關閩之緒

今世
說

賈崧按山史敦實學崇氣節顧亭林先生嘗云好
學不倦篤於友朋吾不如王山史